



Lapataiga mai le Faletupe Tutotonu

E UIGA - I LE KAMUPANI A LE ONECOIN CRYPTOCURRENCY

O ai e te mau faatuatuaina? E te mau faatuatuaina tupe o lo'o lolomiina ma faasafua atu e le Faletupe Tutotonu e tusa ai ma ta'iala o le tulafono? Pe e te mau faatuatuaina ni tupe initaneti na gaosia i luga o le initaneti, lea e faasalalau e tagata e faafoliga e faigaluega i le OneCoin poo le Bitcoin, e le o ni tupe faitino, e leai foi ni tulafono e aiaia? O ai o le a e talitonuina?

Ua tuuina atu e le Faletupe Tutotonu se lapataiga e faatatau i le faatupulaia o faalauiloa i pisinisi tau tupe initaneti i totonu o Samoa. O tupe initaneti, e ese mai i tupe faitino lea ua tatou masani ai e pei o tupe pepa nei: \$100, \$50, \$20, \$10, \$5 tala poo tupe siliva. O tupe initaneti, o ni tupe na fausia i totonu o polokalame faa-komepiuta, ma e na o ni fuainumera lava e mafai ona e silasila iai, e le o ni tupe

tele foi le avanoa e le toe maua ai nei tupe. E le fautuaina e le Faletupe Tutotonu le faaogaina o se pisinisi tau tupe initaneti ona e mau luga le tulaga maaleale mo tagata lautele.

Ua faamaonia foi e le Faletupe Tutotonu mai nisi o sooupu faatuatuaina a le aufaasalalau e faapea, o le tagata na amataina ma le ofisa autu o le Kamupani leni a le Onecoin o loo i totonu o Bulgaria, na osofaia e leoleo a lea Malo, o se vaega o 'faiga tuufaatasi faatafatolu tau tupe fai faaonaponei e faaoga ai tupe initaneti.

Ua faasaina foi le Onecoin i atunuu e pei o Siamani.

Eiai nisi o latou ia e faalauiloaina tupe initaneti na fesootai mai i le Faletupe Tutotonu e talosagaina le faamaoniga mo a latou pisinisi ma oloa; peitai e lei mafai ona latou faamalieina uma aiaiga a le Malo e ala i le tuuina mai o faamatalaga talafeagai mo iloiloga mae'ae'a

ma e malamalma gatā, e o'o lava i le tagata o loo faasalalauina le pisinisi poo Tupe Initaneti.

O le tulaga o loo iai Tupe Initaneti i le taimi nei e le o faatulafonoina, ma e faigata ai ona fai ni taiala e puipuia ai tagata lautele. O le leai o ni tulafono e aiaia ai Tupe Initaneti, o le a avea ma se tasi o vala tāua e tosina mai ai le au taufaavalea ma le au taufaasesē.

O le taimi nei, e le o lava faamatalaga ma polokalame faalauiloa mo le atunuu i le tulaga o loo faagaoioi ai nei ituaiga pisinisi. O se tasi nei o mafuaaga o le a tata'i seseina ai tagata lautele o le atunuu e faia ni faaiuga sese ona o le mau faatuaina ma le talitonuina o faaupuga faatosina nei: ave lou tupe i le OneCoin ona 'e te mauoa vave ai'. O le mau'oa vave o se mailei iloa gatā lea o loo faaoga e tagata taufaasese e uga ai lau tupe.

E fautuaina malosi e le Faletupe Tutotonu le mamalu o le atunuu

